

近代中國史料叢刊續編第三十輯  
沈雲龍主編

光緒乙巳(三十一)年交涉要覽

下篇(三)

顏世清  
楊毓輝  
胡獻琳  
編

文藻出版社  
有限公司  
印行

乙巳年交涉要覽下篇卷三目錄

成案

鐵路門

頁數

商部等會奏覆核吳淞軌道並萍醴鐵路收支各款摺 九月 ○一至○三

鐵路大臣盛奏銷吳淞軌道並萍醴鐵路收支各款摺 七月 ○三至○五

鐵路大臣盛奏蘆漢鐵路南北兩幹告成並黃河橋工將次完竣勘驗大

情形摺 五月

○六至○七

鐵路大臣盛附奏蘆漢鐵路整頓辦法應分三端請 旨分飭預為籌畫

五月

○七至○八

鐵路大臣盛等會奏蘆漢鐵路黃河橋工告竣請 派大臣驗收並改稱

京漢鐵路以副名實摺 九月

○八至○九

北洋大臣袁附奏關內外鐵路全工告竣擬請獎在事中外各員以資鼓勵

片 二月

○九至一〇

北洋大臣袁等會奏創辦京張鐵路酌議提撥關內外鐵路餘利以資修造  
摺 四月 一〇至一二

北洋大臣袁等會奏創辦京張鐵路所用機器料物請援照成案免納稅釐  
摺 八月 一二〇〇〇

北洋大臣袁等會奏勘造京張鐵路全路工程應需款項謹分別核實估計  
摺 九月 一二至一四

鄂督張奏粵漢鐵路收回自辦詳細情形摺 九月 一四至一九

鄂督張奏粵漢鐵路借款情形據實覆陳摺 十一月 一九至二八

商部咨潮汕鐵路章程業將郵政章程敘入第二十條內請札總稅務司查  
照文 四月 二八〇〇〇

商部咨潮汕鐵路章程請照廣澳條約添載於十英里內不得再築同線軌  
路文 二月 二八至二九

外務部咨關內外鐵路所購剪鐵機器進口查照奏案應准免稅已飭稅司

遵辦文 六月

二九至三〇

外務部札關內外鐵路所購剪鐵機器即飭免稅放行文 六月三〇〇〇〇〇

外務部札京張鐵路應用機器物料奏准援案免稅文 八月三〇至三一

外務部札正太鐵路購運機料應按照合同免稅文 四月三一至三二

礦務門

商部奏商民私賣礦地應請申明約章以維權限摺 五月三三至三三

商部奏煤礦收稅歧異應請遵照部章以符奏案摺 十一月三三至三四

北洋大臣袁附奏請將盜賣直隸臨城礦產人員分別革職發往軍台効力

片 二月 三四至三五

鄂督張奏遵 旨擬訂礦務章程繕冊進 呈並請 飭部核覆頒行

摺 十二月 三五至三七

外務部照會商部奏定礦政調查局章程第七條核與中美商約七款兩無

妨礙文 十二月 三八〇〇〇

外務部照會德商禮和洋行私購湖南礦產並未先行呈明照章未便允准

文 正月

三九〇〇〇

外務部照會法商嘎薩雷請辦湖北竹山縣銅礦業經限滿前案應即註銷

文 正月

三九至四〇

外務部照會英商凱約翰承辦安徽銅官山礦務業已逾限合同應即作廢

文 五月

四〇至四一

外務部照會河南孫汝陽等開採平潭地方煤礦與福公司合同並不相悖

文 八月

四一〇〇〇

外務部照會浙紳高爾伊與英商惠工公司私訂合同商務局並未蓋關防

礙難照辦文 八月

四一至四二

外務部咨浙紳高爾伊與英商惠工公司私訂合同應查究擅用關防之人

切實駁辯文 八月

四二至四三

外務部咨大東華裕兩公司承辦建邵汀三府礦務已允遵章納費並請展

限二十四個月開辦文 五月

四三〇〇〇

湘撫陸咨鍾悅堂私售礦產一案已經切實駁阻文 正月 四三至四七

湘撫端咨訓導周聲浚冒託礦砂抵借洋款一案應請先行斥革歸案訊辦

文 二月 四七至四八

### 國法門

財政處等附奏議覆江督奏陳銅圓流弊預籌補救片 七月 四八〇〇〇

外務部咨商民攜帶銅圓出口不得逾千枚以外文 三月 四八至四九

附錄總稅務司申覆 四九至五〇

外務部咨奏定新章禁止各省銅圓出口日本銅餅入口已飭據總稅司申

覆遵辦文 八月 五〇〇〇〇

附錄總稅務司申覆 五〇至五一

外務部咨各省訂購銅餅及貨幣材料已咨由出使日本大臣商定辦法文

二月 五一至五二

駐日大臣楊咨各省訂購銅餅及貨幣材料已與日本外務省商定辦法文

二月

五二〇〇〇

附譯日本外務省來文

五二至五三

鄂督張咨禁運日本銅餅及手搖印花機器進口一事已分飭各局遵照文

二月

五三至五四

### 郵電門 電政類

北洋大臣袁等會奏外國創行無線電報請在中國境內一律防禁私設以

維電政摺 七月

五五至五六

北洋大臣袁等附奏電話概歸電局經辦無論何地何人未經政府允准不

准擅設片 七月

五六〇〇〇

外務部照會北京地面不得安設電桿創辦各舉文 二月

五六至五七

外務部咨電局與大東大北公司重訂攤分報費合同已由部蓋印立案其

允美德荷公司水線上岸憑照應即蓋用電政關防文 三月 五七〇〇〇

電政大臣袁等咨電局與大東大北公司續訂攤分報費合同既由部蓋印立案所有美德荷公司水線上岸憑照請一律蓋印文 三月 五七至五八  
電政大臣袁等咨德人擅收商報有妨主權請飭嚴禁文 正月 五八至六〇  
電政大臣袁等咨德借煙沽水線有妨電政請飭商辦文 六月 以上電報

六〇至六一

外務部照會京城內外電燈業經華商辦理請飭洋商限在使館界內安設  
文 二月

六一至六二

德使穆照會使館界外數處既用電燈請於新公司未開以前仍准暫行代  
辦文 二月

六二〇〇〇

德使穆照會京城內外設立華商電燈公司已轉達各國大臣並飭洋商知  
悉文 三月

六二至六三

商部咨洋商安設電燈於華商開辦之日即行停辦當將合同切實聲明文  
三月 以上電燈

六三〇〇〇



賽會門

外務部奏義國密拉諾賽會請

派駐義大臣赴會摺 九月 六三至六四

駐比大臣楊奏報比國黎萊斯賽會赴會日期暨情形摺 五月 六四至六六

駐比大臣楊附奏各國嗣後賽會應由商部派員監督並妥籌變通辦法片

六月 以上賽會奏案

六六至六七

外務部咨歷屆各國賽會用款節略轉送查閱文 七月

六七至六八

附錄副總稅務司裴開呈節略 以上賽會經費

六八至七一

法使呂照會巴黎開設考求癆瘵公會請派員附會文 七月

以上法國賽會

七一至七二

墨護使胡照會墨京開辦萬國地學會請派員入會文 十月

七二〇〇〇

外務部照覆墨京開辦萬國地學會已咨駐使派員文 十一月

以上墨西哥賽會

七二〇〇〇

外務部照會義國秘拉諾設漁業分會已咨商部辦理文 二月 七二至七三

外務部咨義國秘拉諾舉行河海船會請派員赴會文 正月 七三〇〇〇

外務部咨義國羅馬舉辦實用化學會請派員入會文 九月 七三至七四

外務部咨義國羅馬開設農務公院會議條款已准許大臣咨送轉請查核

文 七月 七四〇〇〇

外務部咨義國羅馬議定農務公院各項條款應否仍派許大臣前往畫押

文 七月 七四至七五

外務部咨義國羅馬開設農務公院入會辦法及攤分一節擬令各國公派

文 九月 以上義國開會 七五至七六

比使葛照會比國黎業斯舉行交友公會請派員赴會文 五月 七六〇〇〇

外務部照會比國孟斯舉行通商等會已派駐使赴會文 三月 七六至七七

外務部咨比國黎業斯舉行萬國商務會請屆時往觀文 正月 七七〇〇〇

外務部咨比國黎業斯舉行電氣醫學會希派員前往文 四月 七七〇〇〇

商部咨赴比賽會洋員阿理嗣不洽商情請飭總稅務司電飭從速離會文

六月

七七至七八

駐比大臣楊杏黎萊斯賽會赴會華商以洋員巴士博前在聖路易會場抑  
制商人稟請保護文 三月 七八至七九

駐比大臣楊杏黎萊斯賽會赴賽華商處處受欺已委派隨員沈瑞麟等設  
法保護文 六月 以上比國賽會 七九〇〇〇

駐奧大臣楊杏馬加國布大貝斯提京城舉行獸醫會已派參贊前往赴會  
文 十月 以上馬加國賽會 七九至八〇

練兵處咨北洋揀派醫官徐英揚等赴美軍醫會文 七月 八〇〇〇〇

練兵處咨南洋揀派醫官鍾文邦赴美軍醫會文 七月 八〇至八一

會辦練兵大臣袁咨美國舉行軍醫會北洋陸軍以近秋操暫緩派員前往  
文 六月 八一〇〇〇

文 七月

八一至八二

鐵路大臣胡咨美國倭生湯地方萬國鐵路公會此次擬暫不派員赴會文  
三月

八二至八三

散魯伊斯賽會副監督黃道開甲呈遵將公所贈於會長擇地移置作爲記

念文 正月 以上美國賽會

八三〇〇〇

附表

乙巳年未定各案一覽表

〇一至〇六

乙巳年中外遣使表

〇七〇〇〇

乙巳年開埠紀事表

〇八〇〇〇

乙巳年通商徵稅總核表

〇九〇〇〇

乙巳年各關徵稅細數表

〇九至一〇

乙巳年按關進出貨價一覽表

一〇至一三

乙巳年按國往來貨價一覽表

一三至一六

乙巳年進出貨價類要表

一六〇〇〇

乙巳年進口洋藥細數表

一七〇〇〇

乙巳年出口絲茶細數表

一七至一一

歷年出口絲茶比較表

二一至二三

乙巳年各國往來金銀價值表

二三至二五

乙巳年各關進出商船一覽表

二五至二九

乙巳年內港掛號小輪一覽表

二九至三〇

乙巳年郵政統計表

三〇至三四

以上各表均紀述本年事實或府續歷年成案如約章成案滙覽所編遺使開埠徵稅各表係以三十年爲止故今表悉從三十一年接續編纂此外權量燈塔各表寶星旗幟諸圖均詳約章成案滙覽事無更換例不贅述

乙巳年交涉要覽下篇卷三

成案

鐵路門

商部等會奏覆核吳淞軌道並萍醴鐵路收支各款摺

九月

奏爲覆核推展吳淞軌道並萍醴鐵路收支各款恭摺仰祈

聖鑒事光緒三十一年七月二十一日准軍機處抄奉盛宣懷奏推展吳淞軌道並萍醴鐵路工竣收支報銷開單呈

覽一摺奉

旨該部知道單併發欽此嗣准盛宣懷造具清册核銷前來查原奏內稱淞滬鐵路總公司第二起銷案摺內聲明推展蘊藻濱北至吳淞礮台灣止軌道經費自應另案附銷經外務部核准覆奏奉

旨依議欽此又光緒二十四年三月與湖廣督臣張之洞會奏請築造萍鄉鐵路展至長沙欽奉

諭旨照准均先後欽遵有案以上兩路概係動用蘆漢鐵路所撥之官款吳淞展  
路工竣後業照英商銀公司借款合同於上年九月收還工價歸併滬甯管  
理萍鄉展路因經費不足改至湘潭是爲萍潭鐵路其萍鄉至醴陵一節先  
已通車卽應併案造銷查前案淞滬工程至蘆藻濱南岸自建橋過瀆以通  
吳淞礮台灣築路鋪軌附設分機岔道積長五華里有半車棧道房橋梁涵  
洞一切具備又前報淞滬鐵路經費係至光緒二十七年十二月止現自二  
十八年正月起到三十年九月歸併滬甯之日止按月支給薪費修費均應  
接續前案作正開銷其上屆奏銷以後行車所進腳價歸併滬甯之前照約  
收還工價另列收款項下此截清淞滬鐵路之大概情形也至萍潭鐵路自  
萍鄉煤礦之安源地方起至湖南醴陵縣陽三石止鋪設軌路連同分機岔  
道積長一百四華里有奇內造鋼橋木橋三十四座圓拱橋三十四座涵洞  
水溝二百七十七處所鑿山地居百分之六分此外車站道房轉盤水樑  
材料廠火車頭以及搭客運煤各種車輛購地填土各種經費悉覆核明確

方准在總公司撥款內支給此另案建造萍醴鐵路之大概情形也綜計管收兩項實合庫平銀四百八萬八千九百四十六兩九分二釐六毫開除項下共合支庫平銀一百七十二萬八千八百三十一兩五分八釐餘存二百三十六萬一百十五兩三分四釐六毫內先經奏准預支漢廠軌價計存庫平銀一百二十萬四千六十一兩四錢七釐八毫又湖南巡撫在解款內扣支粵漢勘路經費及總公司派洋員赴粵勘地赴美川資停工後開發各項經費計墊支庫平銀五萬七千六百三十一兩八分八釐應俟粵漢鐵路歸結辦理方能索還歸墊其餘接續支應醴陵進下至湘潭縣株州鐵路工款應俟全路辦結另案造銷至萍醴開車後逐月收支並安源添設枝路統俟下次銷案彙核造報等語臣等查興築鐵路關係

國家要政且動需鉅款凡該管大臣自應將工程車務一切情形及撥用款項收入車脚諸大端隨時奏

聞並詳晰報部查核方昭實在迭經商部於上年六月九月間一再奏奉



諭旨飭令按年按季分別造具表譜圖冊送部以備查核等因在案茲該大臣所  
造報者推展吳淞軌道款項係自光緒二十八年正月起截至三十年八月  
止萍醴路工款項係自光緒二十五年九月起至二十九年六月止臣等祇  
能就其清冊所開各節遴派司員逐項稽核如舊管項下蘆保淞滬報銷所  
餘官款庫平銀二百九十九萬四千七百五十四兩一錢五釐新收項下湖  
南撥款淞滬車脚連同銀公司撥還淞滬造價共庫平銀一百九萬四千一  
百九十一兩九錢八分七釐六毫所有管收兩項按冊核算數目均屬相符  
開除項下如淞滬冊內所開之補領地價展造路工養路歲修及附銷鐵路  
學堂經費萍醴冊內所開之購地造路造車等項所支各款均無例章可循  
惟以吳淞展造路工比照淞滬以萍醴路工比照蘆保均尚無甚出入所有  
冊開二共動支庫平銀一百七十二萬八千八百三十一兩五分八釐就賬  
論賬亦尚相符至實存庫平銀二百三十六萬一百十五兩三分四釐六毫  
內有漢陽鐵廠預支軌價一款前經商部於本年四月十二日奏明由盛宣

懷飭該廠陸續造軌扣抵自應仍由盛宣懷尅日按照辦理並令限期繳清俾官款不致久懸其粵漢鐵路墊支各款及餘存銀兩應令歸入另案造銷以清款目惟是前案奏銷淞滬路工及養路經費動支官款庫平銀一百二萬三千八十七兩八錢二分業由盛宣懷於滬甯借款內收還工價規銀一百萬兩現在推展路工又在蘆漢鐵路所撥官款內動用經商部函令一併改歸銀公司賬開支以清界限准盛宣懷覆稱一百萬兩鉅款總公司力難長墊而數萬兩零款總公司不致短缺是以如此辦法等語臣等查淞滬鐵路既議歸併滬甯銀公司管理工價又議由銀公司借款內收還獨此展造零星路工尙由官款動支未免多所牽搭又查光緒二十四年三月十六日張之洞盛宣懷會奏湖北鐵廠改歸商辦情形各摺片內聲敘鐵廠煤礦均經歸商辦理則此萍潭鐵路亦應由商承造茲盛宣懷以蘆漢鐵路所撥官款支給萍醴應用事前並未奏明立案臣等礙難核銷應請

飭下盛宣懷詳晰聲明具奏奉

准後再由臣等核銷以昭慎重所有覆核推展吳淞軌道並萍醴鐵路收支各款  
緣由謹恭摺具陳伏乞

皇太后

皇上聖鑒訓示再此摺係商部主稿會同外務部戶部辦理合併聲明謹

奏 光緒三十一年九月二十七日奉

旨依議欽此

鐵路大臣盛奏銷吳淞軌道並萍醴鐵路收支各款摺 七月

奏為鐵路總公司推展吳淞軌道並建造萍醴鐵路工竣收支官款列作第三  
起接續造銷繕具清單恭摺仰祈

聖鑒事竊臣於光緒二十八年九月奏報動用官款建造淞滬鐵路收支經費截  
至二十七年十二月止分繕單冊列作總公司第二起銷案摺內曾聲明預  
備推展蘊藻濱北至吳淞磯台灣止一切架橋過河接展軌道所用經費自  
應另案附銷以清起訖經外務部核准覆奏奉

旨依議欽此又光緒二十四年三月臣與湖廣督臣張之洞會奏漢陽鐵廠商辦情形派員開辦萍鄉煤礦濟益鎔鍊該處運道艱阻請築造萍鄉鐵路展至長沙以利轉輸各情欽奉

諭旨照准並蒙

飭下江西湖南各撫臣一體照料均先後欽遵有案以上兩路概係動用蘆漢鐵路所撥之官款吳淞展路工竣後業照英商銀公司借款合同第二十三款於上年九月初一日收還工價歸併滬甯一律管理萍鄉展路因經費不足改至湘潭縣屬之洙州水口爲止是爲萍潭鐵路逐節籌款逐節趨修本年冬間工可全竣其萍鄉至醴陵一節先已通車卽應併案造銷藉清款目經臣檄飭承辦工員會同總公司造冊處委員接續第二起銷案分造四柱收支總細各冊詳候覆核奏咨去後茲據各該員開單彙冊呈請核奏前來臣詳加覆核前案淞滬造銷工程係至蘆藻濱南岸爲止自建橋過濱以通吳淞礮台灣築路鋪軌補發地價又附路應設分機岔道共積長五華里有半

車站道房橋梁涵洞一切具備又前報淞滬鐵路經費係至光緒二十七年十二月止現自二十八年正月起到三十年九月歸併滬甯之日止員司工匠站長道夫按月應給薪費煤炭材料馬路駁岸等項隨時支給修費均應接續前案作正開銷其上屆奏銷以後行車所進腳價歸併滬甯之前照約收還工價另列收款項下以備核總此截清淞滬鐵路之大概情形也至萍潭鐵路自萍鄉煤礦之安源地方起經萍鄉縣峽山口老關進滬至湖南醴陵縣陽三石止鋪設軌路連同分機岔道共積長華里一百四里有奇湘贛錯壤山嶺崎嶇沅澧分流汨港遼闊內造鋼橋木橋三十四座圓拱橋三十四座涵洞水溝二百七十七處所鑿山地居百分之六分此外車站道房轉盤水櫃材料廠火車頭以及搭客運煤各種車輛購地填土各種經費悉由承辦之員及洋工程師隨時核實撥節動用仍由臣逐批派員覆核明確方准在總公司撥款內支給此另案建造萍醴鐵路之大概情形也綜計上屆奏銷舊管項下結存庫平銀二百九十九萬四千七百五十四兩一錢五

釐新收項下湖南撥款淞滬車脚連收回銀公司撥還淞滬造價共庫平銀一百九萬四千一百九十一兩九錢八分七釐六毫管收兩項實合庫平銀四百八萬八千九百四十六兩九分二釐六毫開除項下淞滬一册購地展路並養修經費附銷鐵路學堂等二項實支庫平銀二十三萬九千五百七十六兩六錢八分六釐六毫萍醴一册購地造路造車經費實支庫平銀一百四十八萬九千二百五十四兩三錢七分一釐四毫二共合支庫平銀一百七十二萬八千八百三十一兩五分八釐餘存二百三十六萬一百十五兩三分四釐六毫內先經奏准預支漢廠軌價藉杜洋軌漏卮計存庫平銀一百二十萬四千六十一兩四錢七釐八毫又湖南巡撫在解款內扣支粵漢勘路彈壓各經費及總公司派洋員赴粵勘地赴美川資停工後開發各項經費計墊支庫平銀五萬七千六百三十一兩八分八釐應俟粵漢鐵路歸結辦理方能索還歸墊其餘接續支應醴陵迤下至湘潭縣株州鐵路工款應俟全路辦結另案造銷以上收支各款均經商部派員在滬調查合符

前數先行開列清單奏報在案至萍醴開車後逐月收進運煤腳價隨時支  
出養修經費並安源礦山依煤綫之遠近添設各項枝路統俟下次銷案彙  
核造報據總辦淞滬鐵路道員薛鴻年等詳請奏咨前來謹照前案繕具清  
單恭呈

御覽仰懇

天恩飭下外務部商部戶部查核准銷所有總公司推展吳淞軌道並建造萍醴  
鐵路工竣作為第三起造銷緣由除咨部外謹會同著兩江總督臣周馥湖  
廣總督臣張之洞江蘇巡撫臣陸元鼎江西巡撫臣胡廷幹護理湖南巡撫  
臣龐鴻書恭摺具陳伏乞

皇太后

皇上聖鑒訓示謹

奏 光緒三十一年七月二十一日奉

硃批該部知道單併發欽此

鐵路大臣盛奏蘆漢鐵路南北兩幹告成並黃河橋工將次完竣勘驗大概情形摺 五月

奏爲蘆漢鐵路南北兩幹路告成並黃河橋工將次完竣勘驗大概情形繪圖恭摺具陳仰祈

聖鑒事竊臣於四月十九日荷蒙

召見而奉

諭旨垂詢蘆漢鐵路工程及黃河橋工情形至周且悉仰見

聖明慎重路政洞燭無遺欽服下忱莫可言喻伏查蘆漢鐵路工程自保定府起係於光緒二十四年南北兩岸分段並舉二十六年北方拳亂工作暫停修復燬失致延時日迭飭比國總工程司沙多趕速築造既不能草率以從事亦不准濡滯以誤工本年三月據報北幹自

京師抵黃河北岸南幹自漢口抵黃河南岸均已通車惟中間黃河橋梁費鉅工艱卽西國大興築家亦視爲特別工作經臣歷派德美義法比各國著名



工程司錫樂巴李治海沙地道理懷及沙多等先後履勘往復推求始擇定兩岸橋址南起榮澤縣屬廣武山麓北起武陟縣屬姚期營下游爲河流向未漫溢之處詢謀僉同並經沙多與各工程司詳諮酌度定議用螺絲鋼柱造法橋身共長九百九十餘丈橋門凡一百有二南北寬而中間稍窄非僅不佔水道且可蕪暢河流其鋼柱長七丈餘從河底深入沙土中約三丈至四五丈不等橋南岸有廣武山之固根脚較牢北岸地勢坦平似無鈴束因於沁河下流建築石壩二十五里以資保障現據該工程司稟報全橋工程約於本年年九月底告竣其時伏秋兩汛已過察看橋柱河流兩無妨礙即當開車行駛從此南北幹路二千四百餘里一氣貫通土貨出產日多商旅輻輳出於其塗自必較前暢旺臣於四月初三日由漢口登車逐段驗工軌道堅平大小橋梁三百八十六座亦均穩固而武勝關廣武山兩處巖洞皆鑿至深長一百丈內外施功尤鉅綜計全路工程茲惟黃河橋工及各段擬設廠棧應添車輛並修補各項工程因工繁款絀尙未一律告竣現正督飭總

辦各員悉照總核算處洋文原賬詳細造報並候商部派員赴總核算處嚴切稽查以昭核實茲分別繪就蘆漢鐵路全圖黃河橋工全圖各一册恭呈御覽除咨外務部商部直隸督臣湖廣督臣河南撫臣查核外所有微臣勘驗蘆漢全路工程暨黃河橋工大概情形理合恭摺具陳伏乞

皇太后

皇上聖鑒訓示謹

奏 光緒三十一年五月初四日奉  
硃批該部知道欽此

鐵路大臣盛附奏蘆漢鐵路整頓辦法應分三端請 旨分飭預爲籌畫  
片五月

再蘆漢鐵路整頓辦法臣與商部及督臣袁世凱籌商應分三端一曰工程已限令總工程師司沙多儘本年十月內全工告竣屆時應奏請

欽派大臣驗收全工一面截清全賬分別奏咨聽候商部嚴切查核二曰行車從

前南北兩岸短路陸續裝貨搭客係屬試辦去年爲止除開支養費並購存  
行車材料外實得餘利銀二百三十七萬五千餘兩已撥入工程賬內列收  
湊用橋成以後全路通行自應會訂詳細章程凡合同所未詳者安速釐定  
以垂久遠三日收贖查合同第一款載明借款法金一百十二兆五十萬佛  
郎克第三款載明自一千九百九年起分二十年照表撥還第五款載明在  
一千九百七年以後中國總公司無論何時可將借款還清一經全還所有  
合同即時作廢等語大約工竣之後經理得宜所收貨客餘利自必日增月  
盛分作二十年撥還諒可有盈無絀但本項未經全還之日借款公司勢不  
能不按照行車合同代爲調度經理多用洋人多糜薪費並須於實在餘利  
中酌提十分之二酬給比公司誠未免利權外溢臣與部臣督臣密切而商  
路工用項除部款賠款行車餘利毋庸歸還外借款照現在金價核計通共  
不過銀三千數百萬兩莫如按照合同第五款於三四年後全數歸還即將  
合同作廢此後行車進款由數百萬以至千萬絲毫可無外散其尤要者有

事之秋他人不能干預此係

京畿直達長江一大幹路創造之初良有深意存焉不僅在生利已也故收贖以早爲貴如進口洋貨加稅各國悉照英美商約允加一倍半則數千萬可以立致無待他求倘或加稅未能成似亦不難另行設法就令借債還債暫以別項作保仍歸路利分還較之從前路未造成空手借款迥不相同而一轉移間外人可無代理之權餘利悉歸我有造路資本十餘年間即可收回所有二千四百餘里之幹路以及枝路機器廠等皆爲

國家自有之物業利莫大焉臣過津鄂與袁世凱張之洞再四商榷均深以爲然擬請

分飭外務部商部戶部直隸督臣湖廣督臣預爲籌畫以期早有成算但提前全還雖係合同內所列之條然揆情度理恐非比公司所樂聞事前似宜暫弗宣播以免阻撓是否有當謹附片具陳伏乞

聖鑒訓示謹

光緒三十一年五月初四日奉

硃批該部知道欽此

鐵路大臣盛等會奏蘆漢鐵路黃河橋工告竣請

派大臣驗收並改稱

京漢鐵路以副名實摺

九月

奏爲蘆漢鐵路黃河橋工告竣請

旨特派大臣尅期驗收藉光盛典恭摺具陳仰祈

聖鑒事竊照本年五月臣宣懷奏陳勘驗路工大概情形聲明十月內全路一齊

工竣屆時應

奏請

欽派大臣驗收全工曾附片臚陳在案比國借款公司公派總董渡越重瀛來華

閱視黃河大橋業於九月十五日行抵上海適臣宣懷亦先期自京回滬彼

此商定並電商臣世凱臣之洞謹擇十月十七日親率該總董暨在事華洋

工員驗橋開車卽以是日爲全路通行之始竊念蘆漢緜亙二千三百餘里

南北同軌在中國爲創見之鉅工黃河天險著名架橋通車在歐西亦傳爲盛事屆時比法使臣訂定同往閱看相應請

旨特派大臣於十月十六日由京啟程驗收全工至河躬行落成盛典抑臣等更有請者北幹首站係在京城正陽門外西河沿發輟自全路通車日起應請稱爲京漢鐵路以副名實所有請

旨簡派大臣驗收路工緣由謹合詞恭摺具陳伏乞

皇太后

皇上聖鑒訓示謹

奏

北洋大臣袁附奏關內外鐵路全工告竣擬請獎在事中外各員以資鼓勵  
片二月

再查山海關內外鐵路延袤一千八百餘里自光緒七年開辦唐山運煤商路起至二十一年併爲官路遂漸擴充工艱道遠幾費經營始克創辦就緒

迨庚子年拳匪肇釁全路燬傷爲英俄聯軍所侵佔經臣等疊與英俄並各國使臣暨各統兵武官再四力爭舌敝唇焦甫經收回揀派道員梁如浩等督同總工程司洋員金達趕緊興修上年十二月間始行蒞事現在全路一律告竣往來商貨日盛搭客日多運兵調械轉餉輸賑莫不朝發夕至極其便捷洵於

國計民生大有裨益所有在事中外各員籌辦逾二十年興築幾二千里始終罔懈備極辛勤伏查上年山東膠濟路成經正任山東巡撫升著兩江總督臣周馥臚保華洋員司於光緒三十年四月二十一日奉旨著照所請欽此欽遵在案山海關內外一路爲

國家官路較之膠濟德路關繫尤重而創修最早歷年最多道路之綿長工程之艱鉅實遠過之該員司等胼手胝足沐雨櫛風締造經營勞苦萬狀各洋員等亦知深顧大局謹守範圍用能合力協心聿臻成效現值

朝廷振興路政之際未便沒其微勞謹擬按照山東成案擇其勞勩尤著者分

別請獎洋員金達擬請

賞給二品頂戴洋員晏士他蘭克慎士熙禮爾均擬請

賞給三等第一寶星洋員德基喀克司雷克士均擬請

賞給三等第二寶星其中國員司除總辦道員梁如浩已另片請獎不敢復邀獎

敘外候選知府詹天佑擬請免選本班以道員選用候選同知鄺孫謀楊昌齡金恭壽均擬請免選本班以知府選用升用直隸州知州候選知縣陸錫珪擬請免選本班以直隸州知州選用候選州同鄭文祺擬請免選本班以知州選用候選知縣盧祖華擬請免選本班以直隸州知州選用分省補用知縣沈琦擬請免補知縣以直隸州知州仍分省補用候選按經歷黃桂榮擬請免選本班以通判選用指分直隸試用縣丞勞之常擬請免補縣丞以知縣仍歸原省補用縣丞職銜趙增祺擬請以縣丞選用俊秀翟兆麟俞人鳳擬請以從九品選用上洋人七員中國員司十三員均屬在事異常出力委無冒濫合無籲懇



天恩俯准照擬給獎以資鼓勵出自

鴻施逾格其餘出力各員弁容臣等酌給外獎除將各洋員銜名咨呈外務部查

照暨飭取各該員司履歷咨部外理合附片陳請伏乞

聖鑒訓示謹

奏 光緒三十一年二月二十九日奉

旨著照所請該部知道欽此

北洋大臣袁等會奏創辦京張鐵路酌議提撥關內外鐵路餘利以資修造

摺四

奏爲酌議提撥關內外鐵路餘利修造京張鐵路恭摺會陳仰祈

聖鑒事竊照自北京至張家口一路爲南北五市通衢每年運輸貨物如蒙古一

帶所產之皮毛駝絨販運出洋與南省運銷蒙古各處之茶葉紙張糖餞煤

油等雜貨均爲大宗計其價值頗稱鉅數第以運道艱阻致商務未能暢旺

前議籌設京張鐵路輒因工鉅款繁未易與辦臣等查京張一路爲北方商

**Page not available.**

Please help scan and add.

页面不可用。

请协助扫描添加。

程通盤約估如買地填道購料設軌鑿山建橋共約需銀五百萬兩左右若從速動工四年可成即擬在關內外鐵路進款餘利項下每年擬提銀一百萬兩四年以內可得銀四百萬兩又查庚子年後關內鐵路因被毀曾於進款項下墊撥修路之款暨收路後墊還各項賬款應在大賠款內撥還者約有八十餘萬兩可提統計約可敷京張全路工程之用據關內外鐵路局道員梁如浩陳昭常詳請具奏前來臣等查京張鐵路關係緊要亟宜及時開辦正慮籌款維艱現在關內外鐵路餘利既多且經商允中英公司但須備付六個月借款本息餘可任便提用自應將此項餘款分撥修造京張鐵路以濟要工此路即作爲中國籌款自造之路亦不用洋工程司經理自與他國不相干涉仍飭將全路工程測勘完竣繪具圖說另行核辦所有議提關內外鐵路餘利撥修京張路工緣由除咨外務部商部查核立案外謹合詞恭摺具陳伏乞

皇太后

皇上聖鑒訓示謹

奏 光緒三十一年四月初十日奉

硃批外務部商部知道欽此

北洋大臣袁等會奏創辦京張鐵路所用機器料物請援照成案免納稅釐

摺八月

奏爲創辦京張鐵路所用機器料物請照案免納稅釐恭摺會陳仰祈

聖鑒事竊照自北京至張家口修造鐵路前經臣等會奏欽奉

硃批外務部商部知道欽此轉行欽遵在案查創辦京張鐵路需用鋼軌道木車

輛機器料物等項多係購自外洋由輪船裝運進口查蘆漢鐵路所辦材料

進口或入內地均准免完釐稅載明借款合同關內外鐵路機器料物進口

前由臣燊奏請免稅經前總理衙門會同戶部議覆應如所請概行免稅

奉

旨允准歷經辦理有案今京張鐵路爲

國家籌款自造之路更宜減輕成本藉重利權所有該路購用機器料物進口以及運入內地自應援照成案概行免納各項稅釐俾免兩歧合無仰懇

天恩俯准照辦並請

敕下外務部轉飭遵照以維路政謹合詞恭摺具陳伏乞

皇太后

皇上聖鑒訓示謹

奏 光緒三十一年八月二十四日奉

硃批該部知道欽此

北洋大臣袁等會奏勘造京張鐵路全路工程應需款項謹分別核實估計

摺 九月

奏爲勘造京張鐵路謹將全路工程應需款項核實估計開單恭摺具陳仰祈聖鑒事竊照自北京至張家口鐵路前議提撥關內外鐵路餘利修造業經臣等

於本年四月會同具

奏奉

硃批外務部商部知道欽此當經欽遵遴委存記補用道陳昭常設局開辦並派候選道詹天佑充該路總工程司飭經迭次前往履勘並帶熟諳路工之員詳細測量現勘定該路由豐台發軔至張家口延長三百餘里中隔居庸關八達嶺層巒疊峙石峭灣多工程至爲艱鉅擬約分三大段興修其第一段由豐台經彰儀門至南口計長一百零四里沿途尙稱平坦間有水溝修造橋梁施工尙易第二段由南口經官溝至岔道城長三十三里現測自南口過八達嶺高低相距一百八十丈形勢崔嵬難安軌道按照歐美鐵路辦法必須開山鑿洞全路工程以此段爲最難第三段由岔道城經懷來宣化達張家口長二百二十三里沿途多半園地向稱腴沃此段購地價當昂貴中間之上花園距鷄鳴驛二十里地名蛇腰灣老龍背等處石徑狹窄下臨羊河發源渾水平時淺涸一至夏令山水漲發現擬依山沿河鑿取山石墊高河身長約六七里修爲軌道由北至半坡街石崗欹斜十餘里高低不一

曲又多必須逢曲取直就低培高自宣化達張家口中有小嶺名石壑子形勢險窄亂石塞道現勘得山後尙有一道較爲平坦向偏西南可以繞越至張家口一鎮向分上下兩堡地窄人稠購地不易擬在下堡對岸圍子地方建設車站總查全路工程核實估計一測量經費等項約需銀一萬五千五百兩二地畝土方開山鑿洞石工等項約需銀二百三十四萬三千二百六十兩三修造橋梁水溝等項約需銀一百一十萬六千一百兩四鋼軌等項約需銀一百九十萬六千五百兩五房廠等項約需銀二十萬四千零五十五兩六電線等項約需銀六萬一千八百兩七轉運材料等項約需銀九萬八千兩以上七項統計共約估銀五百七十二萬九千三百六十兩此外購置各項車輛約估銀一百二十三萬五百兩四年內員司薪工雜項等費約估銀四十三萬二千兩係在原奏工程之外總共約估銀七百二十九萬一千八百六十兩據該道等開列估計清單呈請具

奏前來臣等查京張鐵路原奏全路工程通盤約估如買地填道購料設軌鑿

山建橋約需銀五百萬兩左右係據關內外鐵路工程司約略估計之數現據詹天佑帶同工程司員逐細勘估開呈前列七項約需銀五百七十餘萬較原估所逾無多委係無可再減其車輛及員司薪費兩項約需銀一百五十萬兩本在原奏專估工程之外臣等覆加考核所開各項用費均屬核實估計不致稍有浮濫目前關內外鐵路進款收數暢旺尙有盈餘此項京張鐵路工程需用各款擬統歸關內外鐵路餘利項下分起設法提撥仍飭陳昭常等督率在事員司隨時撙節動用將勘定各路趕速興工按段築造俾全路依次告成庶可款不虛糜工歸實濟茲將約估工程應需銀兩數目開列清單恭呈

御覽除咨外務部商部查照外謹合詞繕摺具陳伏乞

皇太后

皇上聖鑒訓示謹

奏 光緒三十一年九月十四日奉



硃批外務部商部知道單併發欽此

鄂督張奏粵漢鐵路收回自辦詳細情形摺 九月

奏爲遵

旨將粵漢鐵路收回自辦謹將美國合興公司售讓合同暨接收各件繕具清單

進呈

御覽並瀝陳辦理情形恭摺仰祈

聖鑒事竊臣於上年二月間訪聞承辦粵漢鐵路之美國合興公司並未知會中國私將公司底股三分之二售與比國公司董事亦大半易置比人查比與法通法又與俄合京漢鐵路已由比法兩國合辦若粵漢鐵路再入其手則中國南北鐵路地權全歸比法等國掌握之中與俄人所造東三省鐵路鈎連一氣既扼我之吭背復貫我之心腹而借款本息太鉅年期過久限滿後斷無贖回之望其爲中國大患殆有不忍言者臣探詢既確焦灼萬分立即電致湘省官紳並電致督辦鐵路總公司大臣盛宣懷痛言利害竭力爭持

以合興無端違背合同亟應據理責言廢棄前約自臣創此議後湘鄂粵三省紳民漸次傳播始知有粵漢路約不替之說議論推敲羣思補救無如合興公司既異常狡執美國富商復遣合興之黨柏士來華運動自稱係華豐公司願借給中國鉅資助我與合興廢約而另訂合同將此路歸其承辦其實華豐無異合興然而術詭言甘於是被其煽惑者忽倡以美接美之說衆議紛紜大爲所動臣以合興公司違約失信覆轍在前若仍聽以美接美是直以移花接木之計愚弄中國一切權利仍落他人之手中國絲毫不能收回與所以籌議廢約之故自相矛盾遂電滬力阻其議柏士因親至京師介其公使向外務部要求外務部函令鄂就臣商辦其駐漢美領事復多方爲之游說臣面告以此約必廢無可商議柏士到滬後復三次來函攬辦路款均經臣嚴詞駁拒堅不允行由是袒美者咸嗒然失望而怨謗紛來阻撓百出籌議廢約之事益形棘手矣迨上年十一月初三日臣承准軍機大臣字寄光緒三十年十月二十一日奉

上諭御史黃昌年請挽回路政一摺粵漢鐵路關係緊要現在合興公司正議廢約應卽另籌接辦著張之洞悉心核議妥籌辦理以挽利權原摺抄給閱看將此諭令知之欽此臣自奉

明旨責有專歸乃益抱定宗旨不敢爲異說所搖然爲難之處不一其端臣初意以爲盛宣懷爲與合興公司訂約原議之人繫鈴解鈴貴資一手故開誠布公往復電商深冀其相助爲理不意籌商累月盛宣懷屢因宿疾纏綿困臥不能辦事正當吃緊之際臣去電兼旬杳不得覆偶有病間答覆而精神未能貫注終不得此事要領此時盛宣懷病勢甚劇屢瀕危殆無怪其然而湘中官紳之派赴上海者一則主張訂借美款幾爲柏士所愚一則徑自聘用律師直令赴美與合興涉訟均經臣飛電力阻追回其事乃已羣議紛歧輕舉妄動幾誤大局此其爲難者一也臣以事機危迫稍縱卽逝不得已始徑電出使美國大臣梁誠密商辦法該大臣覆稱中國廢約之說喧騰報紙美公司已豫爲之地由彼富商摩根將比國股票重價收回一千二百分以爲

事權仍在美國之手卽與合同不肯不能再言廢約美政府極力袒護屢飭其駐京使臣柔克義向外務部干涉聲言美政府斷不允廢此約合興總辦惠惕爾因出使大臣梁誠持正力爭辯詰甚緊遂擬撤開梁誠自行來滬設法把持此事經臣聞知切電上海總公司轉告惠惕爾彼卽來華無論改何辦法臣斷不承認囑其飛電阻回此其爲難者二也臣往復與駐美使臣梁誠電商直言廢約或致有礙

國家交涉改爲贖約則僅商務往來事出和平彼政府自無從干涉該大臣因就此意與合興公司反覆磋商彼延前美國兵部大臣路提前美國按察司英格瀾爲主謀梁誠乃延聘前美國外部大臣福士達鐵路專門律師良信等與之抗議路提以美國國體東方商務種種關礙爲詞語意堅決福士達等再三辯詰始認原定合同之疏漏合興辦事之含混允聽中國政府修改合同收回權柄由美國政府擔保永不轉替而贖約則堅不允許經出使大臣梁誠痛切開導力陳三省之輿情

中朝之意旨微臣之定見大局之利害路提等甫允開議售讓辦法而合與索價  
浮冒初開七百萬元繼又索公司酬勞二十五萬元借票餘利四十餘  
萬金元利息在外經與駁減彼即以股東未曾議定經月遷延不允還決比  
主復遣其親信至紐約極力阻止事幾中變此其爲難者三也迨後議定贖  
路金價六百七十五萬元另給利息甫將草約彼此簽字而比政府竟電  
美外部強行干涉比主復而晤摩根唆使侮議並介美總統之友美國上議  
紳比洛遲轉告美總統力翻此案美總統適接其駐華使臣柔克義電誤會  
我政府無意廢約且疑臣與出使美國大臣梁誠均非政府授權經理之人  
遂欲挑剔廢約兩字借端以廢草約危機頓迫幾幾功敗垂成臣於七月十  
三日電奏內已詳晰陳明此其爲難者四也幸荷

聖明昭鑒俯准施行外務部亦悉力主持一再照會美使聲明臣與梁誠實有辦  
理此事之權美總統尙知慎重邦交轉圜允許其事乃定而湘鄂粵三省紳  
民驟欲籌此六七百萬元約合華銀千餘萬兩斷斷無此力量假使款不

應手非但立誤事機抑且貽羞中外此其爲難者五也臣自奉

旨籌議粵漢路事卽屢次分電湘粵官紳公議切實籌款之法嗣准兩廣督臣岑春煊十二月十一日來電云此專必須備有贖路的款方能爭論而粵紳渙散倡議者無錢有錢者不管紳力斷不足恃官力則艱窘已極更無擔任如此大宗之力且果使廢約立須鉅款應付卽有別項籌款之策亦緩不濟急愚以爲宜由鄂湘粵合借洋款若干萬分年勻攤認還此款借成約廢卽以贖路不廢立時付還盧糜利息亦尙有限等語而湘紳商電亦無立籌鉅款之策臣體察湘鄂粵三省情形既屬相同不得已始定借款之議一面電商湖南撫臣轉詢湘省各紳湖南撫臣覆電云與諸紳熟商均應遵辦徧加詢訪惟英領事所開利息較輕借款交付實鎊不須折扣惟於粵省別有要素利益之事臣婉辭推謝致借款之議久懸不定迨本年八月初二日猝然接到出使美國大臣梁誠電合興股東已將草約批准第一期款美金二百九萬八百六元零應於西九月七號卽八月初九日在紐約交兌計期已近務

請合三省全力迅即籌足於西九月七號以前電匯到美免致變局等語臣電致梁誠懇其展期十日以便趕籌覆電云第一期款商緩十日福士達謂前遵尊電將贖款備齊悔約索償各節警告摩根正約六號簽押與否觀此期交款爲從違若再生變萬無挽回務祈如期電匯等語蓋合與之意料知中國貧窘斷不能於旬日間猝籌數百萬鉅款故其總股東於草約定後已將三個月多方推宕延不批准此事成否未定以致籌不能籌借不敢借直至屆期前七日始電告中國批准立索交款若款不能集則此約全翻轉將譏我無款自誤此謀至狡至毒蔑以加矣其時英領事先期赴廬山避暑臣逆料愈而相求要求必甚且議訂合同亦須兼旬以外而應付合與之款若愆期一日全局俱翻當此之時既不能乞援於外洋復不能求助於他省以關繫中國南疆全局之大舉

特旨飭辦之要政議論兩年全球皆知若徒以無款之故竟致不能收回自棄草約不惟利權永棄而且將令各國譏笑中國辦事者皆空言無實之人以後

一切邦交種種窒礙此七日之中臣憂煎萬狀繞室徬徨此事結局如何竟不敢預料此其爲難者六也幸湖北官錢局信義素著尙爲各國銀行所信臣石集司道剴切籌商均以大局利害所關同心擔任立即一面飭官錢局設法擔保先向匯豐銀行息借銀三百萬兩官錢局湊集銀二十三萬兩竟如期電匯到美國實非臣意料所及當即將贖路正合同電由軍機大臣代奏請

旨登押欽奉

會允一面電招英領事回漢商訂借約英領事見臣處第一期付款已能暫行自借應付而贖路事關繫大局亦願助成盛舉於是前所要求者不再提及合同條款悉照光緒二十六年八月湖北因保護長江籌備餉需向匯豐銀行息借五十萬兩成案辦理業經將合同咨明外務部在案此項借款於鐵路權利固絲毫未嘗有所假借也借款既定應付合興第二期款遂於中歷九月十二日全數交清合興卽於是日分電滬粵兩處公司洋人將在滬存儲



之圖表冊籍在粵已修之鐵路及機車房棧一切備用材料悉數點交中國委員接收經臣派員分別接收清楚查此次合興所訂售路合同載明中國政府可將合興公司在中國所有產業已成鐵路材料測量圖表開礦特權以及在中國所有權利無論明指暗包一概全行收管等語玩開礦特權及明指暗包之言可知從前所失權利之大實無窮盡今幸得全數贖回從此永斷葛藤消弭巨患此皆仰賴

朝廷威德及樞部諸臣同心匡助三省紳民協力圖維出使大臣梁誠才識兼優忠實爲國規畫辨論妙協機宜故此事克底於成現已議定修路之款由三省官紳合力籌集決不再借洋款惟款由本省紳民集股止能各籌各款各修各路大綱必歸畫一而辦法不能盡同與他處鐵路之借款興辦者迥不相侔紳民辦事全賴地方官相助爲理似須責成本省督撫督飭司道及地方官暨紳士商民因地制宜設法籌辦庶情形不致隔膜工程亦免延擱是否有當伏候

聖裁茲准出使美國大臣梁誠將合興公司所訂售讓合同暨收回未售金元小票已付息票並派員在粵在滬接收各件先後郵寄冊報到臣除分咨外務部商部外謹繕具清單會同署兩廣督臣岑春煊湖南撫臣龐鴻書合詞恭摺具陳伏祈

皇太后

皇上聖鑒謹

奏

鄂督張奏粵漢鐵路借款情形據實覆陳摺十一月

奏爲遵

旨據實覆奏恭摺仰祈

聖鑒事竊臣承准軍機大臣字寄光緒三十一年十月二十八日奉

上諭御史黃昌年奏路權至重贖款難擔亟宜興修嚴杜干涉一摺借款修路流弊滋多應由三省集股興修以保權利不准借用外債該御史所奏五節著張

之洞據實覆奏原摺著抄給閱看將此諭令知之欽此跪誦之下仰見

聖主慎重路政豫防流弊之至意曷勝感悚臣自奉

旨責成收回粵漢鐵路與美國合興公司議廢合同深知合興根蒂深固消息靈通中國官場袒助者多不易措手顧念路權在人掌握卽鉅害在我腹心非決計收回無從挽救用是不敢避怨不敢畏難密電出使美國大臣梁誠相機操縱據理辯爭磋磨一載有餘其間波瀾疊起枝節橫生機甫轉而旋翻議垂成而忽變臣仰奉

宸謨堅持定見局外旁觀咸謂中國已失之權斷無覆水重收之望迨臣拒絕美商柏士要求之後凡持以美接美之說尤不便於臣之所爲謗論繁興阻撓百出必欲攬收此局而後已幸賴

聖明乾斷主持於上三省輿情固結於下美政府知中國志堅意決合興理屈詞窮又以廢約之名改爲贖約僅屬公司商務事出和平於國際邦交絲毫無可挑剔合興始就範圍本年八月間贖約議成實爲袒美黨意料所不及之

**Page not available.**

Please help scan and add.

页面不可用。

请协助扫描添加。

款之策署兩廣督臣岑春煊因於上年十二月十一日由梧州行次電臣紳力斷不足恃官吏更無擔此大宗之力宜由三省合借洋款按年分認攤還等語湘紳張祖同席匯湘等來鄂與之籌商亦深以岑春煊之說爲然以爲舍此別無速化之術可應急需臣查修造鐵路借用外債環球多有其利害只在合同權限權限不清則不論何國皆屬有害權限若清則不論何國皆屬無害卽如粵漢鐵路借用美款扣多年久且並令其包辦工程甚至礦務權利多所假借遂至授人以柄路權盡爲債主所操爲害甚大今所借英金一百十萬鎊年息止四釐半不折不扣較上年戶部訂借匯豐鎊款節省甚多然並不以鐵路作押僅以三省自有之膏捐作保於路礦一切權利絲毫不許干涉此項借款言明本利分十年攤還計每年應還本利不過十餘萬鎊三省以七成分攤湘粵各攤三成鄂攤一成兩湖指定賑糶米捐歲可得七八十萬兩粵省督臣岑春煊擔任籌定的款備撥並有粵境已成鐵路行車餘利每年二三十萬兩以之分年抵還借款本利實已有盈無絀況合

同載明五年後中國如願全數清還亦可聽便但使有款可償毫無留難糾葛其以膏捐作保者向來借款必有保款凡關財政何一款非

國家之餉項不過因此乃近年新籌之款且止屬一端與藩庫款關稅款之垂爲經制釐金局之關涉通省者名義輕重迥不相侔且膏捐爲三省所共有爲外人所共知雖加稅免釐後此捐仍可照收故易於取信然抵還既有實項則保款僅屬虛名不獨於八省統收之膏捐毫無牽涉卽於應歸三省自用之膏捐亦略無妨礙蓋三省需餉無不緊迫斷不肯不另籌贖路專款而坐耗膏捐之理該御史乃謂自任廢約之日卽應鼓舞三省商民早備贖款是竟不知七八百萬金爲數之鉅不知今日中國財用之困並不知湖南民力之艱難是則真不可解者也竊考倡議廢約至今已已兩年矣除湖北米捐撥充路工一款乃出臣意札行湖南米捐撥充路工一款乃係臣電商湖南撫臣照辦此外三省議論函電不曾數千萬言矣果已籌有一錢之實款乎然則籌款果易乎又原奏稱盛宣懷開報用費六百萬美金元華以廣

東所造之路較外國造路價逾十倍該督所借贖款較諸盛宣懷開報有盈無絀豈無可核減耶然報章所載息借之款以七十萬鎊匯交美使梁誠以四十萬鎊匯交鄂督則此四十萬鎊豈盡三省開銷之用卽非如是亦應將贖款若干用費若干開列清單上之商部政府方爲正辦豈謂贖路自我爲政諸事不關

朝廷乎等語查粵漢鐵路收回自辦其與合興公司交涉辦法不外兩端一爲廢約一爲贖約廢約則應先請

朝廷明降

諭旨宣布廢約之緣由一面由外務部照會美使並行文駐美使臣照會美外部一面由三省延聘外國律師派員赴美備與合興與訟而得直則合同可廢應還合興用款須憑彼國法官公斷訟而不直則合興約仍不得廢且須另給公司賠償其數不能懸揣臣屢接駐美使臣梁誠函電謂美國富紳摩根已重價收回比股一千二百股美政府卽視合興爲並無違背合同之處

設與興訟彼必左袒苟如我不得直非但須糜鉅費亦且有礙邦交等語臣又屢接外務部來電以美國駐京使臣柔克義疊次照會聲稱美政府不允將合興公司作廢等語體察情形直言屢約徒延時日徒多繁費而萬不能行因與使臣梁誠密商定爲贖約辦法贖約則彼售我購議價須由售主允認合興本意不願出售迫於公論始肯開價據稱中國定欲索回股票現已漲價每股必須三百餘金元公司六千股計需二百餘萬金元代支造路費四百餘萬金元特權礦權種種所值又數百萬金元加以餘利小票四十餘萬金元公司酬費二十五萬金元共計值一千數百萬金元等語經使臣梁誠再三指駁遞減至七百萬金元另給小票及售價議定未付以前五釐利息理論始定六百七十五萬金元另給小票及售價議定未付以前五釐利息此蓋屢經駁減而後定爲比較其後摩根於收款時尙索交金元小票餘利駁以草約先經議定簽字不得再有異詞彼始無語臣查合興售價雖昂然中國收回種種權利所值豈止此數過加駁詰徒堅比股獲利抗阻之心凡



事關國際當持大體不當惜小費議價之初湘紳龍湛霖王先謙等公電致臣謂我能將該公司提用小票無論浮支濫費祇要有賬可開一一承認美廷當無異議又謂接項自辦誠爲善策三省祇求收回此路卽多花亦所不惜等語均深明大體之言與臣意見正同蓋事機之來間不容變若必斤斤計較多方駁滅恐至今仍無成議而時局紛紜外謀奇幻不知現在又成何變局必致此約終不能收回矣至一切付款皆由出使大臣梁誠經手計八月初九日付第一期款美金二百萬元加息一百二十九日美金三萬五千三百四十二元四角五分西五月一號應付借票息美金五萬五千五百五十元總共二百九萬八千九百九十二元四角五分九月十二日付末期款美金二百七十五萬二百元加息一百六十二日美金六萬一千三十二元零另給律師美前外務部福士達津貼美金一萬五千元合興公司總辦惠惕爾酬資美金一萬元總共二百八十三萬六千二百三十二元零每次付款均據駐美使臣梁誠來電先後電達軍機處外務部商部查照在案該御史謂

**Page not available.**

Please help scan and add.

页面不可用。

请协助扫描添加。

事權以爲借債修路籍制衆口之伏線等語查上年十月間臣欽奉

寄諭粵漢鐵路關係緊要現在合興公司正議廢約自應另籌接辦著張之洞悉心核議妥籌辦理等因夫曰另籌接辦曰妥籌辦理則凡路事之始終均在聖主委任責成之內苟爲臣愚思慮之所能及安敢不遵

旨悉心籌議而該御史目爲專攬設臣但廢約而不籌贖款以致因無款悔議或約竟不能廢而地亦不自購竟多爲洋公司所購則言者又將以推諉誤事不能善其後責臣矣至刊給湘紳關防一節查本年二月間據湘紳公呈前湖南撫臣端方及臣處以粵漢鐵路無論能否收回亟須先行籌款購買鐵路地基以保地權擬請刊給關防等語蓋恐此路未能收回故不得已爲此籌款購地之策此乃湘紳萬不得已之苦衷臣以湘紳既擬設局必有主持局務之人電詢湘中擬舉何人旋准前撫臣端方電覆現湘紳擬以前刑部右侍郎龍湛霖前國子監祭酒王先謙爲總理候選道張祖同安徽候補道席匯湘爲總辦三品廕生龍紹瑞爲會辦翰林院編修汪燾翰林院庶吉士

譚延闓前工科給事中馮錫仁候選道孔憲教前甘肅甯夏知府黃自元吏部主事葉德輝爲總議紳祈分別挈銜繕給咨札等語因卽會同湖南撫臣核准照辦此項關防經湘紳函催電催面催不下十餘次直至今年四月始行刊發溯查自去年以來湘紳於鐵路一事疊次電函面陳一切皆謂須專由臣處主持臣謂必須會同湘撫辦理反覆詳說湘紳因卽遵辦在籍湘紳人數甚多此可考而知者也夫籌款購地正恐廢約難成藉此稍資抵制事爲地方官應辦之事臣忝任湖廣總督湖南爲臣兼轄省分臣卽無廢約之責關係兩湖土地之事豈能諉諸不問咨札照會皆督撫會銜何所見而目爲專攬該紳龍湛霖等素著鄉望爲衆公推出而任事皆勉盡義務並不支給薪水何遂足以見好該公司局設湘省人由湘舉章由湘擬何謂實無事權其時贖路尙無眉目何能遽計及借債修路至借與不借聽之三省衆情何所用其箝制且湘省果能籌款卽不須借債矣何以責紳籌款轉爲借債伏線此等深文曲筆誠思之不能得其解矣又原奏稱外務部以拒絕外債

**Page not available.**

Please help scan and add.

页面不可用。

请协助扫描添加。

然臣通籌熟計借款修路若權限謹嚴本非必不可辦之事蓋深恐籌款不易即能籌亦不能多款少則工遲工遲則利緩無利則累深故於借到贖路款後卽照會英領布此一著以備緩急嗣因外務部來電慮滋糾葛臣於九月二十七日電覆外務部謂當力勸三省紳民自行籌款二十九日復電外務部並電戶部尙書張百熙稱粵漢鐵路決計籌款自辦不借外款等語是修路借款久已作爲罷論矣該御史於時事茫然不知於鄉事亦茫然不知忽於十月二十八日事隔一月之後追咎修路借款已罷之議並追咎借款贖路之舉實屬可怪並誣及游宦湖北之湘員乘便攫利破壞大局不知贖路款皆美大臣梁誠經手鄂員湘紳有何利之可攫也湖南在籍吏部主事葉德輝於借款罷議之後來鄂慮及款艱工遲深借借款不成之非計該主事固非湖北之游宦屬員也謂鐵路已收回爲破壞大局不知如何而後爲保全大局也又原奏稱該督再訂英債合約明著香港政府傳聞尙有附約暗許權利又擅給英領照會如云中國或需再行借款先儘英國機器材

料如向外洋購辦須先向英國商廠詢問等語又聞造路工程師該督已許  
參用英日授人以隙等語查借款合同借自何人自應著明何人之款此項  
英金一百十萬鎊實借自香港總督何能言而不盡向來各國銀行經手借  
款必有折扣吃虧甚巨且借定後須由外務部一面照會外國駐京公使一  
面咨照我出使大臣外國公使方電告外洋銀行始製造小票或數千張或  
數萬張請我使臣每張蓋印始能出票招股委曲繁重付款總須在四五個  
月之後此次贖路急需付現之款多至七八百萬金合與批准至交銀限期  
促至七八日尋常借款之法斷不能行外國銀行斷不能承辦適漢口英總  
領事法磊斯前曾告知香港現有存款願為介紹取息必可較銀行為輕並  
云不須折扣是以與之定議其另給照會係防將來自籌之款萬一不敷或  
須續借洋債英既承借贖款在前屆時必將爭攬應先明定限制無論借用  
何國之款皆不得輕許絲毫權利俾免後來者或有失算此正為杜漸防微  
起見何反謂暗許外人權利乎查照會原文云將來粵漢鐵路修造之款除

中國自行籌集外如須向外洋借款當先儘英國詢商開價如與他國所開息扣比較相同先儘英國銀行承辦如他國所開息扣等項較英國所開公道便宜仍由中國酌擇公道便宜者另行籌借如修造粵漢鐵路需用機器材料除中國自有自造外如向外洋購辦應先向英國商廠詢問開價仍與各國商廠開價比較價同則先儘英廠承辦如他國所開貨美價廉仍由中國擇宜訂購此外湖北湖南境內另有修造鐵路之事倘亦須向外洋借款並可照上條修造粵漢鐵路借款辦法一律辦理至修造鐵路需用之工程師言明一半用借款國人一半用日本國人將路工分段承辦各辦各事凡鐵路公司一切用人擇地管路行車等事均由中國自任工程師但管分內應辦之事餘事皆不得干預等語茲將原文抄送軍機處外務部商部詳加察閱當可知臣慎防後患之苦衷言者乃謂爲密約謂爲暗許不知照會詞義皆係光明正大之言且當時曾經電商兩廣督臣岑春煊旋即將照會分咨廣東湖南兩省海內皆知何所謂密至此照會專爲借款修路而設九月



**Page not available.**

Please help scan and add.

页面不可用。

请协助扫描添加。

議年餘僅止略有規模並無確實把握而應付第一期贖路之息即在目前屢接湘紳來電催辦語意甚形急迫至粵省乃富饒之區然近因籌款未妥官紳決裂大起波瀾現在情勢洶洶尙不知若何了局鄂省則不過仰屋憂焦而已是此時三省官紳皆正在盤根錯節艱難困苦之時該御史乃漫謂官此土者有莫大之權利耶且湖南公事凡向由官辦者亦多有紳士協助况由紳籌款之事更係紳董經理湘省大吏亦不過主持定議專司考察督催其購地興工購料等事全在大小紳董其虛糜浪擲與否責有所歸湘省撫臣以下且不經手其銀錢况遠駐鄂省之督臣不知從何賤削從何虛糜卽如現在鄂省設立三省粵漢鐵路總局札內言明各員俱不開支薪水夫馬局員薪水尙不開支從何有虛糜浪擲之款乎似未免不近情理矣總之廢約必先贖路贖路必先籌款款過鉅期過急則必須先借贖路之款既借贖路之款則此借款之國必思攬以後借款造路之權利臣既知中國籌款之萬難則必預爲將來萬一借款之計故趁此聲明用人購料一切權限以

杜流弊猶恐專用一國人萬一有逾越權限之弊於是指定分用兩國人以杜專攬之謀蓋局外者可以任意吹求而局中者不能不層層慮到以備贖路事成以後從長計議修路之法如尙需借款則有此照會彼不能逾格要求如不需借款一切作爲罷論或借或否聽衆情之從違聽

朝廷之裁斷臨時斟酌進退裕如今已定議修路不再借外款外務部勸電至鄂臣卽以豔電覆云言明不借並不爲難操縱在我毫無糾葛現在借款之說早已化去風平浪靜毫無枝節此時不過籌款爲難耳乃該御史不知艱難不考事實一味深文巧詆執已罷之議爲誣詆之題顯然挾有成見自在聖主昭鑒之中至微臣辦理此事之得失上有

朝廷明察下有三省紳民暨天下人公論固無庸臣之置辯矣臣以衰朽庸才奉

旨籌辦廢約幸已將此路收回稍紓憂憤少減咎責此後修路工程除在鄂境者路長二百數十里臣自當督飭官紳妥籌辦理外若粵省鐵路應請責成兩

廣督臣籌辦其湘省鐵路事宜若在籍湘紳有公呈函電懇請臣處主持者臣當與湘省撫臣會商辦理若在籍湘紳無公呈函電至臣處者卽由湘撫臣辦理合併陳明除三省會議修路公共大綱條款另由臣會同兩廣督臣湖南撫臣另摺具

奏外所有遵

旨據實覆

奏緣由理合恭摺具陳伏乞

皇太后

皇上聖鑒謹

奏

商部咨潮汕鐵路章程業將郵政章程敍入第二十條內請札總稅務司查

照文 四月

爲咨呈事光緒三十一年四月十二日接准

咨稱光緒三十一年四月初九日據總稅務司申稱潮汕鐵路事宜由商部主持與盛宮保無干查郵政鐵路合辦章程八條前經外部核准咨行盛大臣嗣後遇有訂立鐵路條款之時應將該章程敘入在案今潮汕鐵路既非盛大臣所轄誠恐不無遺漏事關郵遞要務應再聲請凡有興辦鐵路無論華洋合辦或自行集股均於條款內載明該八條之意照咨各管路大臣備案以免貽誤等因並抄錄前次經部核准章程八條咨行到部以憑轉行督辦潮汕鐵路張京卿查照辦理等因前來查本部前訂潮汕鐵路詳細章程業將總稅務司郵政章程八條一併敘入該鐵路詳細章程第二十條內並於上年十一月十一日抄錄全案咨呈

貴部查照在案茲准前因相應咨呈

貴部請煩查照前案札知總稅務司查照可也須至咨呈者

右咨外務部

商部咨潮汕鐵路章程請照廣澳條約添載於十英里內不得再築同線軌

路文二月

爲咨呈事粵紳張煜南京卿承辦潮汕鐵路所有奏案合同及詳細章程二十五條業經本部抄呈在案嗣據張京卿函稱近讀中葡廣澳鐵路合同第七條云所有中葡廣澳公司所造鐵路其左右兩面各十英里以內中國政府不准他人或別公司築造平行同線之鐵路等因第思此條最關緊要敝處呈部詳細章程二十五條未及聲敘特恐日後路工告竣旁人覬覦就近創造冀圖爭利妨礙之深曷可言喻茲添擬第二十六條文曰所有潮汕公司所造鐵路其左右兩面各十英里以內不准他人或別公司築造平行同線之鐵路此條懇祈飭繕附於詳細章程二十五條之末實爲公便等情查廣澳鐵路係屬華洋商合辦其合同經

貴部核准於鐵路左右十英里內不准他人或別公司築造平行同線之鐵路在案潮汕係屬華商自辦所請援案添擬第二十六條懇准飭繕附於詳細章程二十五條之末自應准如所請辦理除函覆張京卿外相應咨呈

貴部查照備案可也須至咨呈者

右咨外務部

外務部咨關內外鐵路所購剪鐵機器進口查照奏案應准免稅已飭稅司

遵辦文 六月

爲咨覆事光緒三十一年五月二十三日准

咨稱前因本路需用剪鐵機器當由外洋購辦計裝一箱於本年四月初間由成和輪船裝運進口乃抵埠時津關稅司指稱機器例應完稅查蘆漢正太鐵路由外洋購運機器料物等件向係免完稅釐此次購辦剪鐵機器事同一律應請核飭總稅務司轉行津關稅司免稅放行等因本部查機器一項無論官運商運照章俱須完稅未便以事同一律遽行援免其有免稅之案視曾經奏准特予免稅爲憑此條鐵路所需機器料物進口前由胡大臣奏請免稅經總理衙門會同戶部議覆應如所請概行免稅於光緒二十三年十一月十九日具奏奉

旨允准在案此次所運剪鐵機器進口查照奏案應准免稅放行除札行總稅務司轉飭津海關稅務司遵照辦理外相應咨覆

貴大臣查照可也須至咨者

右咨鐵路大臣

外務部札關內外鐵路所購剪鐵機器即飭免稅放行文

六月

為札行事光緒三十一年五月二十三日准督辦關內外鐵路大臣咨稱前因本路需用剪鐵機器當由外洋購辦計裝一箱於本年四月初間由成和輪船裝運進口乃抵埠時津關稅司指稱機器例應完稅應請札飭總稅務司轉行津關稅司免稅放行等因本部查此條鐵路所需機器物料物進口前由督辦胡大臣奏請免稅經總理衙門會同戶部議覆應如所請概行免稅於光緒二十三年十一月十九日具奏奉

旨允准卽於是年十一月二十七日札行總稅務司在案此次所運剪鐵機器進口照案應准免稅放行相應札行總稅務司查照轉飭津海關稅務司遵照



辦理可也須至札者

右札總稅務司

外務部札京張鐵路應用機器料物奏准援案免稅文

八月

爲札行事光緒三十一年八月二十四日准軍機處抄交督辦關內外鐵路大臣袁會辦大臣胡奏創辦京張鐵路所用機器料物請照案免納稅釐一摺本日奉

硃批該部知道欽此查原奏內稱創辦京張鐵路需用鋼軌道木車輛機器料物等項多係購自外洋由輪船裝運進口查蘆漢鐵路所辦材料進口或入內地均准免完釐稅歷經辦理有案今京張鐵路爲

國家籌款自造之路更宜減輕成本藉重利權自應援照成案概行免納各項稅釐俾免兩歧並請

敕下外務部轉飭遵照以維路政各等因相應札行總稅務司遵照可也須至札者

右札總稅務司

謹按此案先經 北洋大臣咨請免稅准 外務部覆稱從前總理衙門核定機器進口專章無論官運商運概徵值百抽五之稅惟各處借款造路其合同內載有材料進口免稅明文者自不在徵稅之列此外各局廠如有專案奏明購運機器材料免稅者亦應准予免稅曾經札飭總稅務司分別辦理在案所有京張鐵路購運機器等件請予免稅應先專案奏明未便據咨辦理等因旋經 北洋大臣援案奏准

原摺  
見上

咨呈到部由部札飭總稅務司遵照辦理

外務部札正太鐵路購運機料應按照合同免稅文 四月

爲札行事光緒三十一年四月二十一日准督辦鐵路盛大臣咨稱案准各關稅務司知照新章無論官物民物所購機器均照值百抽五一律納稅等因昨據正太鐵路總工程司接士巴尼電稟現有正太購運機料爲津海關扣留須納稅放行是與合同不符請核辦前來除電津海關外查蘆漢正太

汴洛滬甯鐵路借款合同均載明該公司所辦材料進口或由別省運至工次均准免完釐稅又載明各式材料必須名廠購買價值最低者如湖北鐵廠所出之材料必須儘先購用但價值總以合宜爲度等語俱各會同奏准在案是鐵路材料概免完稅既經載明合同自與尋常官物民物不同勞難扣留完稅卽湖北鐵廠歷年所購外洋鍊鐵鍊鋼之機器材料係爲自造鐵路材料之用者亦係免稅經湖廣總督張奏明各在案可否請飭總稅務司將以上鐵路材料機件及關涉自造鐵路材料之機件仍行暫時免稅請查核施行等因前來本部查從前總理衙門核定機器進口專章概徵值百抽五之稅惟

國家借款自造之鐵路合同載有材料進口免稅明文自不在徵稅之列此外如有購運機器材料專案奏明免稅者亦經准予免納稅項有案今年二月間本部函覆總稅務司令將蘇州所運銅元機器補行徵稅一事蓋以此項機器該省未經奏准免稅自應不分官運商運仍令完稅乃是申明舊章照

常辦理並非另定新章於向准免稅之物均改爲一律徵稅也此次正太鐵路所購機料按照合同係應免稅之件津海關扣留欲令徵稅似屬誤會相應札行總稅務司查照轉飭津海關稅務司即將所扣正太鐵路機料免稅放行並飭知各關稅務司凡有關涉自造鐵路之機料經合同內訂明免稅暨曾經奏准特予免稅之機料驗明無影射夾帶等弊均卽免稅放行可也須至札者

右札總稅務司

礦務門

商部奏商民私賣礦地應請申明約章以維權限摺 五月

奏爲商民不明約章私賣礦產流弊滋多請

飭嚴密查禁以維權限恭摺仰祈

聖鑒事竊維路礦農工諸政泰西各國皆以此爲開通商務之基故其通國人民靡不殫精竭思合力營置然其於轄制之權限境土之尺寸則必兢兢焉自

保主權他國人民萬不能侵損其毫末可見權限所在不容須臾忽也中國商民不知此義往往圖目前之小利不顧日後之隱憂近年以來各省私佔曠地礦山之案層見疊出至各處租界之外民間農田房產亦寢假而售諸外人若不設法查禁流弊何可勝言查各國通商條約外國商民只准在通商口岸租地建置又從前總理衙門成案傳教士買地建堂其賣契內只可載明賣作本處教堂公產字樣若係洋人在內地置買私產與條約不合仍應禁止是洋人在內地置買產業原非條約所准行又總理衙門通咨各省文稱嗣後各教堂置買產業不必先行報明地方官等因可見若非教堂置買產業均應先報地方官查核且教堂置買產業雖不必先報地方官而買妥之後則仍由地方官蓋印稅契其是否教堂置買原不難確切稽查臣等參考約章界限本極分明徒以奸民貪圖重價私自售賣而地方州縣不加深察或吏役人等私受賄託朦准稅契迨至事成之後商令退讓洋人亦不無虧累反復相持往往釀成交涉臣等詳加籌度與其事後爭執轆轤繁多

何如事先防維爲拔本清源之計擬請

飭下順天府尹各省將軍督撫等嚴飭各該地方州縣於商民稅契事件務令澈底查明勿稍含混倘有商民將地產私售外人未經查出輒予稅契者卽將該州縣照例參處地主及吏役人等如查有串通朦混情事一併治以應得之罪以儆效尤現值修訂法律之際應否訂定專條另由臣等咨行法律大臣酌核辦理臣等爲申明約章慎重權限起見是否有當謹恭摺具陳伏乞皇太后

皇上聖鑒訓示謹

奏

商部奏煤礦收稅歧異應請遵照部章以符奏案摺十一月

奏爲煤礦收稅各省歧異請

旨通飭一律按照部章以符奏案而恤商艱恭摺仰祈

聖鑒事竊自中外互市以來工商各業尙待振興全恃天然富有之礦產以資補

**Page not available.**

Please help scan and add.

页面不可用。

请协助扫描添加。

復據甯蘇滬各釐局議詳擬徵落地釐金每噸一錢臣部近接山東巡撫咨稱據張蓮芬稟各處釐金分局聲稱現奉總局飭收嶧煤落地捐項紛紛饒舌嶧煤銷數因之大減又山西陽曲縣之王封山礦本年七月經臣部批准由湖南試用道劉篤敬開辦一切按照部章辦理而晉撫以該道原定章程有出礦之後每觔完納釐錢六文之語不得瀆請邀免當經臣部駁令仍照礦章於完納出井出口稅後概不重徵以歸劃一而晉撫來咨仍以晉省無常洋各關此項礦觔並不經由關口毫無關稅可收自無重疊徵收之慮且礦較煤鐵獲利倍饒礦產免釐應請俟之商約加稅免釐通行以後爲詞不知臣部奏定礦章原有抽納出井稅之條礦產一經出井卽須納稅本省不慮無稅可收內地行省未設常洋各關者甚多若皆引此爲詞則部章幾同虛設中國地大物博磅礪鬱積至今日而將大洩其菁華目前風氣初開正宜因勢利導抽收釐稅豈容歧異明知各省庫藏支絀在各疆臣注茲挹彼亦有不得已之苦衷而奏定章程自宜一律遵守且查長江一帶向銷英



日煤焦山東則多川德煤洋煤之稅既輕華商之力又薄相形之下不足抵制爲叢驅雀尤可隱憂相應請

旨飭下各省將軍督撫一體遵照無論所屬礦地稟請開辦在臣部定章先後不得於奏定章程完納出井出口稅外別有徵收以恤商艱而昭定制恭候命下臣等卽分咨各省遵照辦理所有釐定礦稅緣由是否有當理合恭摺具

奏伏乞

皇太后

皇上聖鑒謹

奏 光緒三十一年十一月二十一日奉

旨依議欽此

北洋大臣袁附奏請將盜賣直隸臨城礦產人員分別革職發往軍台効力

片 二月

再臨城礦產前因候選郎中鈕秉臣已革道員龔照璵未經稟明批准擅與

比公司訂立合辦草約所有產業房地統交比公司收執名爲合辦實屬盜賣經臣奏明將草約作廢一面由臣督飭委員另定合同磋磨二年始就範圍一切利權事權暨將來收回辦法均不失我自主惟礦產與土地相連賣礦產卽係賣土地我處積弱環伺日多如官民均得擅賣土地於外人後患伊於胡底鈕秉臣繼開平賣礦之後自係追步開平上年遵化州趙文榮賣地一案又係追仿臨城若不嚴加禁遏恐效尤日衆疆域日削大局之害曷可勝言臣忝任疆吏職在守土又不敢稍避嫌怨也現臨城礦務雖已就我範圍而鈕秉臣等盜賣之罪仍未可道擬請

旨將候選郎中鈕秉臣先行革職由臣檄撤總辦臨城礦務局差使另行遴委大員認真查辦並押令該革員將經手事件料理清楚分別交代倘涉支吾含糊卽請將該革員從嚴治罪至龔照瓊以監候犯員因亂蒙恩釋放仍不清白乃心奮發圖報乃隨同鈕秉臣附和爲奸應請旨發往軍台効力以示懲戒而遏刁風理合附片具陳伏乞

聖鑒訓示謹

奏 光緒三十一年二月十一日奉

硃批著照所請該部知道欽此

鄂督張奏遵

旨擬訂礦務章程繕冊進

呈並請

飭部核覆頒行

摺十二月

奏爲遵

旨擬訂中國礦務章程繕冊進

呈恭摺仰祈

聖鑒事竊照光緒二十八年七月欽奉

上諭礦務爲今之要政昨經劉坤一張之洞電奏采取各國礦章詳加參酌妥議章程等語所見甚是卽著該督等將各國辦理礦務情形悉心采擇會同妥議章程奏明請旨務期通行無弊以保利權而昭慎重欽此嗣劉坤一因病出缺經臣遵委華洋各員購取英美德法奧比利時西班牙等國礦章詳加譯錄

二十九年冬咨送外務部交待郎伍廷芳參酌編輯三十年十一月間由該侍郎將擬訂中國礦章稿本郵寄來鄂綱領具備惟似覺近於簡略其所定礦地界限不得過三十方里亦覺限制太寬復經臣交在滬之英國礦師布盧特重加增訂書成後又復委派多員暨遊學日本政法科畢業學生等並采取日本礦章細心參校臣覆加酌核其中條款凡於中國情形稍有不宜者必再三研求詳審酌定冀免流弊而保利權謹纂成中國礦務正章七十四款中國礦務附章七十三條分訂兩冊查各國通例凡屬土地分爲地面地腹兩層民間產業止能管及地面其地腹則概爲國家所有故雖本國人民開礦其准駁之權咸聽命於官至五金之屬及寶石等貴重礦質更非官不得開采至他國人民斷不准承辦本國礦務或設立公司間有外國人附股而事權仍是本國人爲主股分仍是本國人爲多日本律法尤嚴開礦公司直不准外人附股惟中國於未定礦章以前已准洋商在內地開礦此時自未便概加拒絕第從前所訂合同每有損礙華民生計及侵我主權妨我

治理之處現在中國與各國議訂商約均有礦務一條其文云中國政府允願招致華洋資本興辦礦業凡各國人民能遵守中國所定礦務章程者均准其在中國開采礦產惟須比較諸國通行章程於礦商亦不致有虧等語是此次所訂礦務章程無論新舊礦商但使於洋商不致有虧其於華民生計中國主權地方治理必當設法保持修改完善用資補救不宜過於遷就坐棄遠大無窮之利權查中國所富有者礦地所缺乏者資財自無妨藉資於外國富商要之必令其有利可圖而不令外人獨專其利斯爲最平最妥之方故現訂礦章聲明各國人民必能遵守中國法律乃准其承充礦商又洋商非與華商合股斷不准其獨自開采其合股之法則無論官地民地華商洋商業主以礦地作股礦商以銀作股若係丙字類之礦其股分之數有地之業主與出銀之礦商各占其半除用費歸礦商自籌外餘利均分蓋大宗緊要之礦全在丙字一類至如乙字類礦質較賤得利較薄者地股只作全股十成之三以示區別其作股一半之辦法現有直隸臨城縣煤礦成案

可撥一切可資仿辦其真正華商有資本者儘可自充銀股之礦商與業主商允合辦力不能獨任一礦者仍准其附入銀股之洋商並設立專條令洋商力加優待具詳章程之內誠以開礦一事資本甚鉅學問甚深專恃華商之微資土法之淺嘗斷無大效惟以礦地與洋商合股則業主與出資本之人分享其利最爲簡要公平然必俟除盡用費得有餘利之後以地作股者方能分潤則洋商自不致有虧竊惟中國今日定章明准外人在內地開礦比較各國通行章程已屬處處從寬加之於礦界年租礦產出井稅均予量從輕減明示我重權輕利庶洋商均願就我範圍不撓法紀且處處皆

國家與民人共享其利上等之礦其餘利國與民各得其半中等之礦其餘利全數推以與民此固足見

聖朝寬大惠民之政超越環球諸邦亦可藉以鼓舞愚氓不致狃於積習阻撓大利果能上下相信中外相安將來地利大興窮民有養百貨日通農工商賈利益交資此乃經國久大之遠謀豈在目前區區之租稅徵臣區區之意實

注於此上年二月商部奏定礦務暫行章程摺內聲明仍俟臣處輯有專書  
歸併辦理以免歧異等語自應參互考訂歸於畫一茲謹將擬訂中國礦務  
正章礦務附章各一冊繕寫成帙恭呈

御覽擬請

敕下外務部商部詳加覆核俟核定後其正章即作為礦律附章即作為詳細條

目請

旨頒行俾礦業日興利源日濬實於

國計民生均有裨益所有遵

旨擬訂中國礦務章程除咨外務部商部外理合恭摺具陳伏乞

皇太后

皇上聖鑒謹

奏 光緒三十一年十二月十七日奉

硃批外務部商部議奏書併發欽此

外務部照會商部奏定礦政調查局章程第七條核與中美商約七款兩無

妨礙文 十二月

爲照會事光緒三十一年十二月初一日接准

照稱商部奏定礦政調查局章程二十四條該章第七條內列之民間礦產祇准賣與本地居戶一言與一千九百零三年中美條約第七款不甚相符原第七款內美國人民若遵守中國

國家所定爲中外人民之開礦及租礦地輸納稅項各規條章程並按請領執照內載明礦務所應辦之事可照准美國人民在中國地方開辦礦務及礦務內應辦之事卽所云之章係中外一律並有於招致外洋資財無礙之語今按調查局新定之章不准洋人買民間礦產顯係阻礙招致外洋資財並於中外應守之章不能一律因爲除去官地之外不准外人開採本大臣應於中外應守之章不能一律因爲除去官地之外不准外人開採本大臣應行抵抗等因當經本部咨行商部去後茲准覆稱查礦政調查局新章第七條所載民間礦產祇准賣與本地居戶一言係預防民間私相賣買致有障



混頂冒情事惟本地居戶諳知底蘊鮮受其欺故云祇准賣與本地居戶以杜弊混此專爲民間自相賣買予以限制資本家不致受人欺朦起見若美國人民遵守中美商約第七款呈請領照開礦應由中國地方官劃明礦界與地主商允租賃不致有朦混頂冒等弊自不必援調查局新章第七條辦理譬如本部奏定礦務章程第三條內載如該礦地爲

國家必須開採之處應由官公道給價購買地主不應違抗等語若如美國大臣來照所稱民間礦產祇准賣與本地居戶豈

國家須開之礦亦非本地居戶不得購買耶兩項章程比例參觀即可知調查局新章第七條與中美商約第七款各辦各事兩無妨礙本部既經詳細解釋

美國大臣自不至再有誤會等情前來相應照會貴大臣查照可也須至照會者

右照會美使柔

外務部照會德商禮和洋行私購湖南礦產並未先行呈明照章未便允准

文正月

爲照覆事上年十二月二十日接准

來照以德商禮和洋行在湖南省辦礦一事雖經本大臣與貴親王及該省大吏暨漢口本國領事官多次彼此用楮墨往返細談然尙懸各節至今未能結妥茲據漢口本國領事已經照會湖南巡撫又將禮和洋行辦理此事無不循約照理情形詳細講明並問該撫按照禮和洋行所擬創立華洋合辦礦務公司一節能否照允等因在案本大臣現將此照會錄送察閱並望由貴部飭令湖南巡撫將向來所存之意改變按照公理約章再不抵拒禮和洋行所欲辦理各事等因前來當經咨行湖南巡撫去後茲准查覆以華洋商人請辦礦務照章須由該省地方官查明如果於地方無礙咨呈外務部核准方能准其開辦茲禮和洋行先未呈請地方官詳查輒與鄉民私相授受未便作爲允辦之據此案迭次駁覆係屬照章辦事並非故意抵拒等

因相應照覆

貴大臣查照可也須至照會者

右照會德使穆

外務部照會法商噶薩雷請辦湖北竹山縣銅礦業經限滿前案應卽註銷

文正月

爲照覆事光緒三十一年正月十四日接准

來照以商人噶薩雷一案本國領事於光緒二十九年七月十一日接江漢關道岑文稱所有法商嘉三禮探勘格菽鄧家堡高家溝各銅礦議明自西歷八月初一日起十個月限內中國不須讓於他人開辦等語既有該道此項明文似奉飭查卷之員未及覺查此文似此情形想在貴爵必願向該大吏回憶且該大吏素稱處事公允諒無不體會此情准予展限等因當經本部電達湖廣總督去後茲准覆稱前據關道詳准法領事照稱法商嘉三黎同礦師在竹山縣屬探勘銅礦三處一名四柯樹一名鄧家台一名高家口

請自西歷一千九百零三年八月一號起十個月內此礦勿與他人開辦又法領致岑升關道函內聲明十個月之外聽憑與他人合辦嘉三黎不得異言此案扣至三十年四月間卽已限滿應卽註銷至竹山銅礦已由官自行籌辦等因前來查商人嘎薩雷請辦竹山銅礦前經領事聲明十個月之外聽憑與他人合辦該商不得異言此案已於上年四月間限滿自應按照原議將前案註銷所請展限之處礙難照辦相應照覆  
貴大臣查照可也須至照會者

右照會法使呂

謹按此案法商嘎薩雷卽嘉三禮又作嘉三黎礦地四柯樹又作格菽  
鄧家台又作鄧家堡高家口又作高家溝均係譯音之殊

外務部照會英商凱約翰承辦安徽銅官山礦務業已逾限合同應卽作廢  
文五月

爲照會事光緒三十一年四月二十三日接准安徽巡撫電稱英商凱約翰